



Naelaf nankey

Alitasiso ervo. Kotviele naelaf nankeyoc (*Fulmarus glacialis*) men grutalas zo mazuker, pune va keskotapafa nendaxe sodir ; va puntakorafa plawa (tisa lan uvoonaf edzosiaxs) kal soluma vas 60 lk 90 cm-kevkaibur ; i va plawa disa va livnesa dakelaja jupasa da lujdik loviela dimetalar oke dimelanir ! Va logajayani povi dere grudiplatir ! Nankeyoc moe krimpa ke mefta ok nilafa gravida ke kira vamoe bira koblir. Voxe moi maltalara va « begama » anton tisa suxomacka koe pist ok tawa, va lavok kaltalar lize yon decitoy milkatcik ked. Moe Devon ewala valente Kanada, toloye vudime dem nankey vas yoni decitoyi zveri ruldad, i vas zvri kerelasi va raporafi krimtaksi vas konake decitmetre. Ton durefa granka, aneyatason va sinka, sin kene krimta maltalad aze dimtalad, aze vamo bira litalad. Banlize dere, va tcastafu viakupu kene yone sanoye decitmetre tazukad.

Abrotce : 47 cm-

Aldo : 600 - 800 g-

Wiltade : 1.05 - 1.12 m-


Birugai : miakukon 16 tанда.

Darsik ke naelafa lenteka. Iluon, naelaf nankey (*Fulmarus glacialis*) nope lukoptaf is batakap bruxeeem vas lofta ok lakro vektar. Neken kaliapon katcalat da wilteem sotir nilaf ise otseem me tir ton adalasa ebeltafa uka. Isen viele zveri va int aykar, dojera bam tir merotisa kiren ini me ranyer voxo mo inieem senyar nume abdulanitison gempon impur. Kire nankey va azexaxo meprumaltalar, pune moe ticuk kottode begamur lizu ko vlarde va int di rovovanmimar ise di rowiltobtocer.

Nankey tid ke toloya kseva : bat varon orikaf lukoptafaltaf (vamoeon), ban loon aftaf. Neken sin kotote tid ke mila katca, isen bata amidaca va klaa ok ikra somedikir. Nankey tir tani zveri lodilon lenttalasi larde va laksiwak vas 81° koe Nunaata arttalar. Tir lonobafi zveri ke Artkikafa gola lize remi kotafa tanda dile zavzagir. Fentugalon, pokon gilamar : valent Atlantika welfa oku Pacifika.



Nankey va onasa tota gradimetald nurme battkane va aytoak ke kabay kadijyn ko bira impavuntad. Aname toabanesa tota iyfayasa va meperol ik odoyal dere va sint Jontikote kabeled eride va sumki ezasi moe lavok impavuntad. Nankey va spolk volpen moe lavok dalon malestur, vovis bakayoni ok awalkaf zveri is aboka is talvudunolan.



Do ara nankeyinda is tugolek is tugol, naelaf nankey tir ke lana pilkovafva zverfa loipa : sin nope lan oral kum konaka nolafa pozla is dem toloya pinama dem otson pezolkeem gu arak ke zverleem zo walvir. Gelbeem tir dem pivot.



Naelaf nankey va taroyo ato dem tšaf kald sokatöar, i va ato dšykano mo raporka ok tawa. Jontikbato ato empawed ; aro gan lakro zo estud. Nankeyre is nankeyya remi 52 lk 55 viel ovad. Ba divatöara, nankeyoc tir dem batakapfa soya vaxeeen keve je is vilteem tir lukoptafaltaf.

Bat naelaf nankeyoc va dilura ke naelaf brestol dšlatir, putogeeen kev taka. Me ant tir battkane nendas : ara nankeyinda is tugolek is tugol milinde tegid. Iote nankeyoc, kabura va plawa zo vodjuyur ; neken mlajik kuvayon gikalkabud...

